

Dies irae, dies illa

solvat saeculum in favillā,

teste David cum Sibyllā.

Quantus tremor est futurus,

quando iudex est venturus,

cuncta stricte discussurus !

Tuba mirum spargens sonum,

per sepulchra regionum,

coget omnes ante thronum.

Mors stupebit et natura,

cum resurget creatura,

judicanti responsura.

Liber scriptus proferetur

in quo totum continetur,

unde mundus iudicetur.

Iudex ergo cum sedebit,

quidquid latet apparebit,

nil inultum remanebit.

Quid sum miser tunc dicturus ?

Quem patronum rogaturus,

cum vix justus sit securus ?